

- gilat abstinens; qua vigilant animantes, haec est nox verum
 70. intuentis anachoretae. Inexpleto intra terminos suos residenti
 oceano qualiter aquae illabuntur, cui similiter omnes cupidi-
 tates illabuntur, is tranquillitatem adipiscitur, non qui cupi-
 71. ditatibus lascivit. Qui homo, omnibus cupiditatibus repu-
 diatis, in vita versatur illecebrarum expers, liber a sui stu-
 72. dio ac sui fiducia, is tranquillitatem consequitur. Haec
 est divina statio, o Prithae fili: hanc adeptus, non amplius tre-
 pidat; perstans in ea obitus quoque tempore, ad extinctio-
 nem in numine evehitur.

LECTIO III.

ARJUNAS loquitur:

1. Si mens praestantior opere a te aestimatur, o mortalium
 votis expetite, cur tandem horrendo operi me destinas, Pul-
 2. chricome? Confusa oratione mentem quasi perturbas me-
 am; hoc unum e decreto profare, qua ratione meliora ego
 adipisci possim?

ALMUM NUMEN loquitur:

3. In hoc mundo duplex vitae institutum olim a me promul-
 gatum est, vir innocue: scientiae destinatione rationalium, et
 4. operum destinatione devotorum. Non opera omnino haud
 inchoando fruitur otio homo, nec vero abdicatione ad perfe-
 5. ctionem pervenit. Non sane quisquam vel momento tem-
 poris unquam ab operibus vacat, impellitur enim et invitus
 6. ad opus peragendum facultatibus naturalibus. Qui ministe-
 rio corporali coërcito sedet, animo meditans res sensibus sub-
 7. iectas, demens, is simulator sanctitatis dicitur; qui vero